

四庫全書

史部

欽定四庫全書

大事記續編卷六十六

明 王禕 撰

唐文宗皇帝開成五年春正月戊寅帝不豫楊嗣復李
珣欲奉皇太子成美當國已郊左右神策軍中尉魚弘
志仇士良立潁王瀍爲皇太弟廢成美爲陳王辛巳帝
崩于太和殿太弟即皇帝位癸未殺成美及安王溶賢
妃楊氏

以新舊
紀修

解題曰胡寅曰昔成王不以病疾困殆而正衣冠就

公卿出經遠保世之格言女子小人姦謀慝計何由得乘其隙此固周召作聖之功而成王敬德之效也文宗有美質而無聖學故始終大節懵懵焉不然當疾病時自力御殿引召宰執面命太子臨見羣臣仇士良輩亦安得而移易之哉故孔子作春秋公薨必書其所垂教之意深矣事見通鑑

長安志太和殿在大明宮

追尊母爲皇太后

新紀

以仇士良爲開府儀同三司左衛

上將軍

以實錄修

二月庚申彗星出于室壁

以新紀修

夏五月己

郊楊嗣復罷刑部尚書崔珙同平章事

以新舊紀修

秋八月

內樞密劉弘逸薛季稜謀因山陵殺仇士良不克見殺

新舊紀

解題曰按舊紀八月十七日葬章陵知樞密劉弘逸

薛季稜率禁軍護靈駕二人素爲文宗獎遇仇士良

惡之心不自安因是欲倒戈誅士良陳弘志鹵簿使

王起山陵使崔郾覺其謀先諭鹵簿諸軍是日弘逸

季稜伏誅賈緯唐年補錄亦同舊王起傳八月充山

陵鹵簿使劉弘逸薛季稜懼誅欲因山陵兵士謀廢
立起與山陵使知其謀密奏伏誅舊楊嗣復傳五年
九月貶湖南明年誅季稜弘逸通鑑以舊紀王起傳
與楊嗣復傳歲月異同謂若已誅弘逸季稜不當至
明年始貶嗣復等故從實錄於會昌元年三月貶嗣
復時始書弘逸季稜之誅蓋弘逸季稜謀因山陵起
兵其事甚明不可以嗣復傳之誤遂致疑於其間若
謂弘逸季稜已誅不應會昌元年始貶嗣復則嗣復

李珣之罷與弘逸季稜之誅相去止數十日耳實錄
明年固云有再以其事動帝意者帝赫怒欲殺之始
再及貶無可疑也

壬戌葬章陵廟號文宗

以新舊
紀修

庚午李珣罷

新紀

九月丁

丑淮南節度副大使李德裕爲門下侍郎同平章事

以新

紀修黠戛斯攻殺回鶻可汗冬十月回鶻嗚沒斯內附詔

傳之

以呂祖謙
標目修

十一月彗星出于東方

以新
紀修

何進滔卒其

子都知兵馬使弘敬自獮魏博留後

以新傳
通鑑修

十二月封

子爲王

以新紀修

唐武宗皇帝會昌元年春正月辛巳改元

新舊紀

二月回

鶻十三部立烏介可汗

以呂祖謙標目修

三月甲戌御史大夫

陳夷行爲門下侍郎同平章事

以新舊紀修

帝欲誅楊嗣復

李珣宰相救之乃貶爲遠州刺史

以呂祖謙標目修

夏六月以

何弘敬爲節度使

以舊紀修

帝受法錄於趙歸真

以呂祖謙標目修

秋七月彗星出于羽林

以新紀修

八月仇士良加觀軍容使

統神策左右軍

以新史列傳通鑑修

九月癸巳盧龍軍將陳行泰

殺史元忠自稱知留務閏月軍將張絳殺行泰自稱主

軍務雄武軍使張仲武請討絳冬十月以爲留後

以通鑑修

解題曰蘇轍曰唐德宗老而厭兵凡節度使將佐之
得志者皆就命留後宣武劉士寧以暴慢失衆其將
李萬榮因其出畋閉門逐之帝將命以其位陸贄曰
如士寧之惡萬榮棄而違之可也討而逐之可也惟
伺隙而篡取其位則不可何者方鎮之臣事多專制
欲加之罪誰無辭者若使傾奪之徒輒得其處則四

方諸將無復安者矣且萬榮搆亂之日諸郡守將固非其同謀也一城士衆亦未必皆其黨也方成敗逆順之勢交戰於中其肯捐軀與之同惡乎今若選命賢將降詔軍中獎萬榮撫定之功別加寵任褒將士輯睦之義例賜恩賞使衆知保安則誰肯復助其亂萬榮縱欲跋扈勢亦無所至矣帝竟不許會昌中盧龍諸將連害帥臣最後張絳殺陳行泰李德裕以爲河朔請帥皆報下太速故軍得以安若稍緩之必且

有變既而回鶻烏介可汗擾天德塞軍使張仲武請
以本軍擊之德裕問知仲武可用言之武宗舉以為
帥張絳既為其下所殺而仲武遂以功名終德裕之
謀即贄之故智也事見通鑑

新史地志雄武軍在薊州故廣漠川也五代史

唐紀在蔚州藥兒嶺東

十一月壬寅彗星出于營室

以新紀修

癸卯崔鄆罷

新紀

唐武宗皇帝會昌二年春正月以張仲武為節度使

以通

鑑修

二月丁丑淮南節度副大使李紳為中書侍郎同平

章事

以新舊紀修

夏四月甲申喟沒斯降

以新紀通鑑修

丁亥上尊

號

以新紀修

五月回鶻逼幽州張仲武遣兵破之

以通鑑修六月

陳夷行罷秋七月尚書右丞李讓夷為中書侍郎同平

章事

以新舊紀修

八月回鶻寇大同川庚午詔發兵禦之

以通

鑑修

九月甲辰以左司員外郎白敏中為翰林學士

以呂祖謙

標目

冬十月丁卯封子二人為王

以新紀修

十一月獵于白

鹿原

以新紀修

十二月立子二人為王

以通鑑修

是歲吐蕃達磨贊

普死其妃之兄子乞離胡立其國內亂

以呂祖謙標目修

唐武宗皇帝會昌三年春正月庚子天德行營副使石

雄大破回鶻於殺胡山迎太和公主以歸

以呂祖謙
標目修

二

月庚申朔日有食之

新紀

辛未崔珙罷

新紀

黠戛斯遣使貢

馬

以通鑑修

夏四月乙丑劉從諫卒其姪都知兵馬使稹自

稱昭義留後

以新紀修

仇士良罷爲左衛上將軍內侍監尋

卒

以通鑑新史列傳修

解題曰按新史列傳帝明斷雖士良有援立功內實

嫌之陽示尊寵李德裕得君士良愈恐以疾辭罷爲

內侍監知省事因請老中人舉送還第謝曰諸君能
聽老夫語乎衆唯唯士良曰天子不可令閑暇暇必
觀書見儒臣則又納諫智慮深吾屬恩且薄而權輕
矣莫若殖財貨盛鷹馬日以毬獵聲色蠱其心極侈
靡使悅不知息則必斥經術閤外事萬機在我恩澤
權力欲焉往哉衆再拜餘見通鑑范祖禹曰小人莫
不養其君之欲以濟已之欲使其君動而不靜爲而
不止則其計行矣豈獨奢靡之娛足以蕩其心哉或

殖貨利或治宮室或開邊境或察臣下隨其所好以
竊權寵人君樂得其欲而不知其爲天下害是以政
日亂而不自知惟能親正直遠邪佞則可以免斯患
矣

五月辛丑以王元逵何弘敬爲招討使及河中節度使
陳夷行河陽節度使王茂元河東節度使劉沔討劉稹

以新紀修

壬寅中書舍人崔鉉爲中書侍郎同平章事

以新舊紀

修築望仙觀

以新紀修

秋七月遣刑部侍郎李回宣慰河北

三鎮

以通鑑修

以豐州都防禦使石雄爲晉絳行營節度副

使

以通鑑修

九月辛卯忠武節度使王宰兼河陽行營攻討

使

以新紀修

冬十月石雄破昭義兵於烏嶺

以新紀通鑑修

解題曰烏嶺今平陽有烏嶺山

党項入寇

以新紀修

十二月丁巳王宰克天井關

新紀

解題曰天井關一名太行關在澤州晉城縣南

唐武宗皇帝會昌四年春正月乙酉河東將楊弁逐其

節度使李石尋伏誅

以新紀修

二月甲寅朔日有食之

新紀夏

四月戊寅左僕射王起同平章事充山南西道節度使

以通鑑修

解題曰文臣直除使相自此始

六月減州縣官一千二百一十四員

以通鑑修

削仇士良官

爵籍其家

以舊紀通鑑修

秋七月淮南節度副大使杜悰爲右

僕射同平章事閏月壬戌李紳罷

以通鑑修

昭義邢洺磁三

州降八月軍將郭誼殺劉稹以降誼尋伏誅

以新舊紀通鑑修

戊申加司徒李德裕太尉衛國公

以通鑑新史列傳修

解題曰按新舊史紀傳實錄及李德裕集李訓約劉從諫誅鄭注及甘露事宰相皆夷族傳言死非其罪從諫不平三上章請涯等罪時宦豎得志天子弱鄭覃李石新執政藉其論執以立權綱中人憚而怨之又劾奏蕭本非太后弟仇士良積怒倡言從諫志窺伺從諫亦妄言清君側因與朝廷猜貳從諫蓄馬高九尺獻之帝不納疑士良所沮怒殺馬自是招納亡命繕完兵仗志益跋扈又聞士良寵方渥愈憂惑因被

病會昌三年四月疾甚謂妻裴曰吾父子有忠勲向
雖遭飛語實無分寸反狀今軍事付之他人即一家
便爲所賣乃以弟子稹主軍事觀朝廷之旨如不許
更在此軍徐圖一家出計以稹爲衙內都知兵馬使
堂姪匡周中軍兵馬使孔目官王協爲押衙親事兵
馬使劉守義守忠董可武崔玄度將兵馬語竟而卒
稹祕不發喪協謀遣將姜岑請醫于朝中使解朝政
領醫官至稹云相公不任拜詔朝政欲入劉武德劉

可武等躡簾而立勅使走出遣衙將梁叔文謝問疾使薛士幹入境都不問疾直作從諫已亡之意武德可武乃大出軍迎候都押衙郭誼等見勅使言河朔事體遂見監軍崔士康士康懦不敢拒乃至喪次扶槨出見三軍士幹還云不得入衙門詔從諫從弟從素令以書喻槨護喪還東都槨不奉詔詔羣臣議宰臣百寮以塞上用兵不宜中原生事潞府請以親王遙領令槨權知兵馬事李德裕曰澤潞內地不同河

朔前後命帥皆用儒臣頃李抱真成立此軍德宗猶
不許承襲及劉悟死敬宗方怠於政遂以符節付從
諫自後跋扈難制規脅朝廷及有狗馬疾謝醫拒使
便以兵屬稹捨而不討何以令四方若因循授之則
威令去矣帝曰卿冀用兵必尅否對曰稹所恃者河
朔三鎮耳但得魏鎮不與稹同破之必矣請使近臣
明告以澤潞命帥不同三鎮自艱難已來列聖許三
鎮嗣襲已成故事今欲加兵誅稹邢洛磁境連魏鎮

王師不欲輕出山東請兩藩收山東三郡令喻將校

許賊平厚加爵賞

韓愈論淮西事宜曰淄青恒冀兩道與蔡州氣類畧同今因討罰元

濟人情必有救助之意然皆闇弱自保無暇宜持下詔云蔡州自吳少誠已來相承爲節度使亦微有功效少誠之死朕亦本擬與元濟恐其年少未能理事待其稍能緝綏許其承繼今忽自爲狂悖侵掠不受朝命事不得已所以有此討罰至如淄青恒州范陽等道祖父各有功業相承命節制年歲已久朕必不利其土地輕有改易各宜自安如妄自疑懼敢相扇動朕即赦元濟回軍討之自然膽破不敢妄有異說德裕蓋本

此意也

帝曰吾與德裕同之保無後悔乃令御史

中丞李回使三鎮諭旨又以忠武節度使王茂元爲

河陽節度使邠寧節度使王宰爲忠武節度使五月

茂元以兵屯萬善

在懷州河南縣

河東劉沔守昂車關

一名芒車

關在咸勝軍武鄉縣北

壁榆社

遼州縣

魏博何弘敬柵肥鄉侵平

恩

並洺州縣

成德王元逵次臨洺任畧堯山

並宋信德府縣

向城

在孟州河陽縣

河中陳夷行營翼城侵冀氏

嵐州縣

制劉從諫

劉稹官並削奪元逵充北面招討使弘敬充東面招討使先時河北諸將死皆先遣使弔祭次冊賜次近臣宣尉度軍中便宜乃與即軍中不許出乃用兵大

抵不半歲不能定故皆得爲之脩禔初不意即見討
及茂元錄詔示禔舉族號慟武寧節度使李彥佐爲
晉絳行營節度使六月茂元奏遣兵馬使馬繼領馬
步二千人到天井關南科斗店禔遣衙內十將薛茂
卿領親軍二千人至天井關詔元達彥佐沔茂元弘
敬取七月中旬五道齊進劉禔歸降並不得納又詔
沔取昂車關路臨賊境七月以山南東道節度使盧
鈞爲昭義節度使德裕奏曰貞元大和間有所討伐

諸道兵出境即仰給度支供餉或與賊約令懈守備
得一縣一屯以報天子故師無大功請處分元逵收
邢州弘敬收洺州茂元收澤州彥佐劉沔同收潞州
勿攻縣帝然之彥佐踰月未出師乃以天德軍防禦
使石雄爲之副稹表臣亡父以李訓等名陷大逆累
獻封章雖遏顛危禍釁遂深呌天莫聞雖死何補伏
乞稍回宸慮活臣一方弘敬亦表論雪稹皆不報回
使河朔弘敬元逵具橐鞬郊迎俯僂從命元逵出師

屯趙州張仲武以幽州兵攻回鶻與劉沔不協回至

諭以大義仲武欣然釋憾

范祖禹曰武宗不惟使三鎮不敢逆又因以爲臂指

之用由德裕所以告之者能服其心也

元達拔宣務壁

山名在信德府堯山縣破

援軍堯山加平章事八月稹牙將李丕降用爲忻州刺

史弘敬逗留持兩端德裕建遣王宰以陳許精甲假道

於魏以代磁仍詔元達弘敬以河陽太原皆隔山險

進軍未得之故已邠薛茂卿破科斗寨執四將火十

七柵懷州相去只十餘里以無稹命不敢入中外交

章皆曰悟功高不可絕其嗣又從諫蓄兵十萬粟支十年未可破他宰相亦媿阿超和德裕曰勝負兵家之常惟聖策先定不以小利鈍爲浮議所搖則有功矣如不利臣請以死塞責帝忿然曰爲我語於朝有沮吾軍議者先誅之羣議遂息德裕言河陽兵寡以忠武爲援既以捍洛并制魏博詔宰速發五千人援河陽仍領餘軍繼進稹遣將張巨劉公直與薛茂卿同取萬善茂元欲走會日暮賊自潰去九月辛巳魏

博奏請自涉漳取磁弘敬懼陳許兵入界軍中有變
遂倉皇出師魏博奏守肥鄉收平恩殺傷甚衆弘敬
加檢校左僕射以王宰兼河陽行營攻討使茂元卒
以河南尹敬昕爲河陽節度使宰代總萬善之師以
石雄爲行營節度使代李彥佐雄受命即越烏嶺破
賊五砦斬獲千計時王宰屯萬善劉沔屯石會按晉史載
記胡部大張勳督擁衆壁上黨劉元海金石勒統之勳命
勳督姓名曰石會此地豈其故屯歟後魏地形志上
黨郡有石井關修文殿御覽上黨郡石碎關西漢地
理志上黨郡石研關石井石研石碎石會非偏傍誤

即語音之說竇革音訓
嶺在今絳州垣曲縣

相顧未進帝聞捷大悅曰今
將帥義而勇罕雄比者十月移劉沔爲鄭滑節度使
以前荆南節度使李石爲河東節度使陳許士稟武
賊衆素憚畏薛茂卿負戰勝冀厚賞或言其兵犯王
畧深朝廷且怒節益不可至稹然之茂卿失望乃與
宰通十一月茂卿僞挑戰亟北委天井關去左右七
營皆潰茂卿奔澤州使謀言於宰曰澤可取吾應於
內宰疑不進失期茂卿扼腕悵恨稹聞其貳召誅之

以劉公直代茂卿澤州西界烏嶺安全慶守之又西

北涇黃嶺

涇黃山在晉州冀氏嶺東五十八里

兵馬使李佐堯守之西

北界接太原石會關兵馬使郭察守之次南武鄉縣
兵馬使康良佺守之王宰進兵欲圍澤州公直拒戰
忠武軍小却公直乘勝取天井關宰進破公直劉沔
又取石會關李石代沔稹因石兄洺州刺史恬移書
乞降石以聞右拾遺崔碣表請納之帝怒斥碣鄧城
令令石答書許稹面縛石馳往受之稹不出初劉沔

破回鶻以兵三千人戍橫水

按回紇傳回鶻至漢南剽橫水水經注王莽之

析縣世謂之橫水又謂之陽曲河又東與舊鹵水合東南流逕鹵城在居庸縣西北二百里太和中更名

禦夷鎮

王逢軍掄社乞濟師詔太原助逢軍石起橫水

戍千五百人令別將楊弁領之當日軍興人賜二緡治裝會財匱給以半又將及歲除促令上路衆愈不悅弁乘隙激衆以亂四年正月還兵逐石與稹連和稹諸將建議我求承襲彼叛卒若與之是與反者械其使送京師使康良佺屯鼓腰嶺敗太原兵帝猶不

赦帝遣中人馬元實往太原宣諭覘其所爲詔太原
軍盡留榆社易定軍一千騎宣武充海步兵各二千
人王逢自領收太原王元達以兵五千扼土門張仲
武扼鴈門延英對宰臣帝曰澤潞用兵方有次第忽
有太原事莫妨進軍否宰臣曰太原兵馬在外諸州
城鎮必不應接惟速令王逢進軍到城下必自有變
德裕奏曰緣橫水猶有數千人曾經楊弁將領與亂
軍同處恐弁招呼至太原又代州有度支錢物尚多

得忻州斷其路即保無慮又橫水官健何清朝所管
清朝極好將兼側近有仲武行營兵料弁招呼亦不
動弁厚賂中人還奏曰弁兵極多德裕奏弁微賤決
不可恕如國力不及寧捨劉稹弁太原軍恐妻孥無
了遺盡留客軍自收太原從五月七日至二十八日
而擒弁帝謂德裕曰太原之平實卿之功德裕遜謝
因奏王宰未收澤州緣宰與石雄不叶恐進兵綴却
昭義大軍雄輕兵徑入功歸雄緣宰有男晏實任磁

州刺史爲顧望計帝有詔切責三月丁巳李石爲太子少傅分司河中節度使崔元式爲河東節度使石雄爲河中節度使雄破賊砦三堡一壬申德裕曰凡事皆有激發之勢令其自急陛下令王宰直抵磁弘敬懼而全軍赴行營又令王逢領客軍收太原兵士急功自取楊弁今請劉沔移河陽令將滑州勁兵二八直抵萬善即在王宰肘腋之下宰知朝廷此意遑安若便進攻得沔聲勢亦壯戊寅以沔爲河

陽節度使宰懼急攻陵川破賊石會關四月宰進攻
澤州始從諫將死命稹無笞辱羣奴故李士貴等與
王協尤用事士戰有功不賞下無鬪志財貨山積而
協請稅商人使劉溪等分出檢實溪并齊民閱其貲
十取二百百姓始怨從諫妻弟裴問守邢州有募兵五
百號夜飛將多豪家子其家以輸貲不時爲溪所囚
問以爲言溪大怒閏七月問囚殺溪與刺史崔嘏自
歸成德軍王釗守洺州士帑布一端稹檄代歲粟釗

謂衆曰庫物尚多欲發以爲賞可乎士皆喜悉所有給之送款魏博軍磁州將高玉堯山將魏元談等以次降成德八月宰臣獮賀帝曰山東既順澤潞無能爲宜乘此速有制置德裕曰臣等議三州當置一留後且管領三州不爾恐爲立功大將所占若有請即難爲可否給事中盧弘止素諳軍旅性又通敏帝曰只令主百姓不要領兵取潞州恐與裴問爭功詔盧鈞乘驛赴鎮稹聞三州降大懼郭誼王協等遂議圖

劉匡周兼押衙在院誼白稹云十三郎在衙院
自不敢發言卒致山東如此稹召匡周納且請假
匡周奮曰吾在院中人人不敢他議吾若請假族矣
擊指而出誼令董可武入說云山東叛只是五舅今
城內何人不自疑留後欲如何稹曰城中尚有五萬
人閉門且過可武曰亦是未了義今東身入朝朝廷
只左降一刺史從他郭誼知留後平寧後別求土地
此上計也稹言誼安肯如此可武言已與之盟不負

心可武即引誼諸事稹屏人約定入白其母裴母曰
入朝大好只已遲耳吾弟尚如此郭誼安可保一切
任汝稹遂素衣出門作母意令誼充都知兵馬使協
輦戒大將廳前祇候誼謝稹即入大廳見大將稹遂
居內廳誼補置更易一夕事定明日令可武入謁稹
云有公事商量稹曰何不便言曰恐驚夫人遂步步
引出至北宅學院大飲半酣言今日之事欲全太尉
一家願留後自圖去就朝廷必惻悼稹曰如所言稹

之心也即執稹崔玄度斫之悉取從諫子在襁褓者
二十餘并匡周等殺之誅張谷張泂陳揚庭李仲京
王渥王羽韓茂章茂實賈庠郭台甄戈十一族夷之
張谷張泂陳揚庭皆有文仲京訓之兄渥璠之子羽
涯族孫茂章茂實約之子庠餽子台行餘子甘露難
作皆奔從諫衣食之軍中大亂素有小嫌者即殺之
流血成泥緘稹首送澤州過劉公直營砮中慟哭丙
申宰臣陳賀李德裕曰今不必置三州留後盧弘止

便充三州宣慰使元達弘敬兩道亦遣弘止去帝曰
郭誼如何處置德裕曰鎮庸下亂繇誼始及窮蹙乃
圖稹邀榮不誅無以懲姦臣及兵在境宜悉取逆黨送
京師論如法詔石雄入潞縛誼及王協劉公直武德
董可武等送京師並誅死杖崔士康殺之盧鈞傳山
東道節度使戍戍王宰傳稹首京師詔澤潞五州給
復一年近昭義及當路州縣今年秋稅並免劉從諫
暴賦加徵並免劉稹招收團練官健並放歸誼日望

旌節移書責英雄大怒與監軍中使同入潞州剽劫殺戮至甚誼等參賀了勅使張仲清即云郭都知告身明日當到諸高班告身即見在晚衙入來諸將及誼稍安又云晚衙點名喚宣之恐不得相識今且欲相見仰同赴闕遂便收縛誼等於是朝廷以王元逵兼太子太師何弘敬同平章事劉沔檢校司徒王宰檢校司空崔元式檢校吏部尚書石雄檢校兵部尚書丁未劉從諫暴尸潞州市戊申德裕守太尉衛國

公先是韓全義敗於蔡杜叔良敗於深皆監軍官人制其權將不得專進退詔書一日三四下宰相不豫又諸道銳兵票士皆監軍取以自隨每督戰乘高建旗自表師小不勝輒卷旗去大兵隨以北繇是所向多負至討回鶻澤潞德裕建請詔書付宰相司乃下監軍不得干軍要率兵百人取一以爲衛自是號令明壹將乃有功三鎮每奏事德裕引使者戒敕爲忠義指意丁寧使歸各爲其帥道之故河朔畏威不敢慢

初劉悟以元和十五年爲昭義節度使傳三世凡二

十五年

范祖禹曰古之明王天下有不順者必諄諄而告教之再三不可然後征之則其民知罪

而用兵有辭矣自唐之失河朔或討伐之或姑息之不聞有脩訓勅之辭也是以兵加而不服恩厚而愈驕李德裕以一相而制御三鎮如運之掌使武宗享國長久天下豈有不平者乎

帝既數討

叛有功德裕慮忤于武不可戢奏言陛下征伐無不

得所欲願以兵爲戒乃可保成功帝嘉納其言

武宗實錄

甘露之變王涯賈餗等橫罹大禍至會昌已易代矣朝廷不能因事洗滌明其無罪羽庠非拔跡強臣莫全其軀至是不幸已爲潞卒所殺而復聲其罪以逆爲名識者知德裕之及禍矣

冬十月獵于鄆縣十二月獵于雲陽

新紀

再貶太子太傅

東都留守牛僧孺爲循州長史湖州刺史李宗閔流封

州

以列傳通鑑修

解題曰按實錄初僧孺宗閔亦嘗交連爲聲援一旦

以謀危社稷遠竄時論寃之餘見通鑑

王涯賈餗之徒爲士良所

陷至於族滅德裕以李訓嘗陷已怒及涯輩子孫避禍逃竄德裕方日以逆徒則所謂宗閔僧孺謀危社

稷之罪庸可信乎

唐武宗皇帝會昌五年春正月己酉上尊號

以新舊紀修築

望仙臺於南郊

通鑑

庚申義安太后王氏崩

以通鑑修

解題曰敬宗之母也

夏五月壬戌杜悰崔鉉罷乙丑戶部侍郎李回爲中書

侍郎同平章事

以新紀修

解題曰悰鉉黨於僧孺者也

秋七月丙午朔日有食之

通鑑

山南東道節度使鄭肅檢

校右僕射同平章事

以新紀修

八月壬午大毀佛寺勒僧尼

爲民

以新紀修

解題曰按舊紀時道士趙歸真特承恩禮諫官上疏
論之歸真自以涉物論遂舉羅浮道士鄧元起有長
年之術帝遣中使迎之由是與衡山道士劉玄靖及
歸真膠固排毀釋氏而拆寺之請行焉餘見通鑑胡
寅曰一身正氣爲邪氣所傷必以五穀六味養生之
物輔之然後邪去而正復若盜跖伏於室內乃召陽
虎而去之是重自伐也庸何愈此元魏用寇謙之會
昌用趙歸真去釋氏之類也釋氏蠹民心而耗其財

誠宜廢絕武宗君臣以公道行之夫豈不可而待歸
真乎事見通鑑

九月李德裕請置備邊庫

以呂祖謙
標目修

大事記續編卷六十六

欽定四庫全書

大事記續編卷六十七

明 王禕 撰

唐武宗皇帝會昌六年春三月帝改名炎不豫左神策中尉馬元贄立光王怡爲皇太叔甲子帝崩于大明宮

太叔即皇帝位改名忱

以新紀修

解題曰韋昭度續皇王寶運錄宣宗憲皇第四子早

本文合紹位乃與姪文宗文宗崩武皇慮有他謀密作便

令幽之宦者仇公武慙之乃奏武宗武宗唯唯公武

取出將歸家密養之三年後武皇晏駕百官奉迎於
玉宸殿立之擢公武爲觀軍容使尉遲偓中朝故事
敬宗文宗武宗相次即位宣皇叔父也武宗深忌焉

一日會鞠禁苑武宗

本文作上

召之目中官仇士良士良

躍馬前曰有旨王可下馬士良命中官輿出軍中奏
云落馬已不救矣尋請爲僧游行江表間會昌末中
人請還京遂即位通鑑不之取然釋氏傳燈錄具載
宣帝爲僧時問荅之語則其嘗浪跡江湖明矣即位

之後追仇前事至於武宗諸子皆不保其終宋敏求
補宣宗實錄謂自大中後皆宣宗子孫繼世故唐人
不敢道則昭度僇輩所紀未可以其鄙妄而棄之也

夏四月辛未尊母鄭氏爲皇太后

以舊紀
通鑑修

丙子李德裕

罷

以新
紀修

趙歸真伏誅流山人軒轅集于嶺南五月乙巳

復僧寺

呂祖謙
標目修

解題曰按舊紀明年閏三月勅應會昌五年所廢寺

有僧能脩創不得禁止

孫樵復佛寺奏曰武皇帝元
年籍天下羣髡十七萬夫以

十家給一髡是編戶一百七十萬困于羣髡矣武皇帝一旦髡天下髡悉歸平民陛下即位以來詔營廢寺臣恐數年之間十七萬髡如故矣請以開元之率明之開元之間率戶出兵籍而爲伍兵未始廢於農農未嘗奪於兵故民力有餘今天下常兵不下百萬皆不食於平民歲度費率中戶五僅能活一兵如此則編戶不五百萬不足以給之故民力不足今欲以一百七十萬給於羣髡是六百七十萬無羨賦矣

兵部侍郎白敏中同平章事

以新紀通鑑修

解題曰敏中黨於僧孺者也

立子五人爲王

以通鑑修

六月太廟爲九代十一室

朱熹綱目

秋

七月李讓夷罷

新紀

回鶻殺烏介可汗立其弟特勒遏捻

爲可汗

以朱熹綱目修

八月壬申葬端陵廟號武宗

以通鑑修

以牛

僧孺爲衡州長史李宗閔爲郴州司馬

以呂祖謙標目修

九月

鄭肅罷兵部侍郎盧商爲中書侍郎同平章事

以新紀修

冬

十月甲申帝受法錄於道士劉玄靜

以通鑑修

十二月戊辰

朔日有食之

新紀

唐宣宗皇帝大中元年春正月甲寅改元

以新紀通鑑修

二月

癸未以旱理京師囚罷太常教坊習樂損百官食出宮

女放五坊鷹犬停飛龍粟

以新紀修

盧商罷刑部侍郎崔元

式爲門下侍郎戶部侍郎韋琮爲中書侍郎同平章事

以新舊
紀修

夏四月己酉積慶太后蕭氏崩

以新舊
紀修

六月遣

使冊黠戛斯可汗

以通
鑑修

秋八月丙申李回罷

以新
紀修

十二

月貶太子少保分司東都李德裕爲潮州司馬

以新
紀修

復

增州縣官三百八十三員

朱熹
綱目

唐宣宗皇帝大中二年春正月甲子上尊號

以新
紀修

右補

闕丁柔立訟李德裕貶南陽尉

以朱熹
綱目修

回鶻可汗西走

黠戛斯俘其餘衆以歸

以通
鑑修

三月封子爲王

以新
紀修

夏五

月已未朔日有食之

以新舊紀修

崔元式罷兵部侍郎周墀

刑部侍郎馬植同平章事

以新紀修

六月皇太后郭氏以憂

崩

以呂祖謙標目修

解題曰葉適曰新史記其爲宣宗不禮欲自殞是夕

暴崩及貶禮官王皞白敏中周墀皆詰怒甚詳而舊

史乃言宣宗即后之諸子恩禮愈異於前朝無一語

類新史豈唐故史之所諱遂承用之耶事見通鑑

秋九月甲子貶李德裕爲崖州司戶

以呂祖謙標目修

解題曰實錄九月甲子勅德裕動多詭異之謀潛懷
僭越之志又云擢爾之髮數罪無窮載窺罔上之由
益驗無君之意帝素惡德裕及是譴斥命內外制各
撰詞而擇用者乃翰林學士令狐綯所作餘見通鑑
按實錄會昌中皇子益王充王已長議策立之際德
裕必當有語及之故深忤宣宗意朋黨挾吳湘事以
希上指卒遠貶之夫德裕之相武宗得君如此其專
也宣宗之怨武宗如彼其深也宣宗既立德裕固難
立於其朝矣况白敏中崔鉉輩抵掌戟手構成其罪
順流抑墜其勢然爾宋敏求謂德裕以請立二王忤
宣宗之意必有
所據云然也

冬十一月韋琮罷

以新紀修

唐宣宗皇帝大中三年春二月吐蕃以秦原安樂三州

及七關來歸

以新舊紀修

解題曰按舊紀新地志傳行原州治臨涇大中收復
歸治平高縣縣有木峽石門驛藏制勝石峽木靖六
盤七關涇原節度使康季榮奏收復原州石門驛藏
木峽制勝六盤石峽六關邠寧張君緒奏收復蕭關
新紀載蕭關而不載木靖吐蕃陷河隴八十年始復

三月馬植罷

新紀

夏四月乙酉周墀罷御史大夫崔鉉爲

中書侍郎兵部侍郎魏扶同平章事

以新紀修

癸巳張仲武

卒其子幽州盧龍節度副使直方自稱留後

以新紀通鑑修

月武寧軍亂逐其節度使李廓

以新紀修

六月戊申以張直

方爲節度使

以通鑑修

冬十月改備邊庫爲延資庫

通鑑

解題曰按新史夷狄傳置備邊庫收度支戶部鹽鐵

錢物宣宗更號延資庫初以度支郎中判之至是屬

宰相其任益重

取吐蕃維州

以通鑑修

十一月封弟爲王

以新紀修

閏十一月以

克復河湟加上順宗憲宗謚號

以通鑑修

解題曰宋祁曰唐興四夷有弗率者皆利兵移之蹙其牙犂其庭而後已惟吐蕃回鶻號彊雄爲中國患最久贊普遂盡盜河湟薄王畿爲東境犯京師掠近輔殘馘華人謀夫號帥圍視共計卒不得要領晚節二姓自亡而唐亦衰焉

盧龍軍逐張直方衙將周繡自爲留後

以通鑑修

李德裕卒

呂祖謙
標目

解題曰范祖禹曰裴度李德裕皆有功烈爲唐賢相
無能繼之者德裕才優於度而德器不及也蓋度不
爲黨而德裕爲黨是以度雖爲小人所傾而能以功
名終德裕一失勢而斥死海上也雖牛僧孺之黨多
小人德裕之黨多君子然其因私以害公挾執以報
怨則一而已孔子曰克伐怨欲不行焉可以爲難矣

又曰君子矜而不爭羣而不黨德裕克伐怨欲必行
焉矜而爭羣而黨其能免乎

唐宣宗皇帝大中四年夏六月戊申魏扶薨戶部尚書

崔龜從同平章事

以新紀修

秋八月周緄卒衛將張允伸自

稱盧龍留後

以通鑑修

冬十月辛未兵部侍郎令狐綯同平

章事

通鑑

解題曰按通鑑上臨朝接對羣臣如賓客雖左右近
習未嘗見其有惰容每宰相奏事旁無一人立者威

嚴不可仰視奏事畢忽怡然曰可以閑語矣因問閤
閤細事或談宮中遊宴無所不至一刻許復整容曰
卿輩善爲之朕常恐卿輩負朕日後不復得再相見
乃起入宮令狐綯謂人曰吾十年秉政最承恩遇然
每延英奏事未嘗不汗濡衣也范祖禹曰古者君臣
交脩所以勤於德也宣宗視輔相之臣體貌雖恭而
心實防之如遇胥史惟恐其欺也拘之以利祿憚之
以威嚴故所用多流俗之人而賢者不能有所設施

白敏中令狐綯之徒崇極將相持寵保位二十餘年
其相如此則其君之功烈亦可知矣

十一月党項入寇

以新紀修

以張允伸爲節度使

以通鑑修

唐宣宗皇帝大中五年春三月白敏中爲司空招討党
項行營兵馬都統制置使兼邠寧節度使

以新紀通鑑修

夏六

月封子爲王

以通鑑修

秋八月党項平

呂祖謙標目

冬十月白敏

中罷戊辰戶部侍郎魏謩同平章事

以新紀通鑑修

沙洲人張

義潮以瓜沙等十一州來歸十一月以爲歸義軍節度

使以新舊紀修

解題曰歸義軍節度使見開元二年隴右節度使解

題

崔龜從罷新紀

唐宣宗皇帝大中六年春三月彗星出于觜參以新紀修秋

八月甲子禮部尚書裴休同平章事以新紀修冬十一月封

弟爲王以通鑑修十二月復禁私度僧尼朱熹綱目

唐宣宗皇帝大中七年

唐宣宗皇帝大中八年春正月丙戌朔日有食之

以新紀修

秋九月封子三人爲王

以通鑑修

冬十月詔雪王涯賈餗等

以通鑑修

唐宣宗皇帝大中九年春正月甲申王元逵卒其子成

德節度副使紹鼎自爲留後夏五月丙寅以爲節度使

以新紀通鑑修

秋七月丙辰崔鉉罷

新紀

浙東軍亂逐其觀察使

李訥

通鑑

唐宣宗皇帝大中十年春正月丁巳御史大夫鄭朗爲

工部尚書同平章事

通鑑

秋九月封子爲王

以新紀修

冬十月

裴休罷

以通鑑修

十二月壬辰戶部侍郎崔慎由爲工部尚

書同平章事

以新紀修

唐宣宗皇帝大中十一年春二月辛巳魏謩罷

以新紀修

夏

五月容管軍亂逐其經畧使王球

以呂祖謙標目修

六月立子

二人爲王

以通鑑修

秋七月庚子兵部侍郎蕭鄴同平章事

以新紀通鑑修

王紹鼎卒其弟成德節度副大使紹懿自爲留

後

以新紀通鑑修

九月彗星出於房

以新紀修

冬十月鄭朗罷

以新紀修

遣使迎軒轅集於羅浮山

以通鑑修

解題曰趙歸真既放矣而武宗復信之軒轅集既放矣而宣宗復迎之甚矣異端之易以惑人也事見通鑑

十一月以王紹懿爲節度使

以通鑑修

唐宣宗皇帝大中十二年春正月以康王傅王式爲安

南都護經畧使

以通鑑修

解題曰按方鎮表天寶十載置安南管内經畧使領

交陸等十一州治交州乾元元年升爲節度使廣德
元年改爲大都護防禦觀察經畧使咸通七年升爲
靜海軍節度使又地志列傳都護府本交趾郡經太
平至甘棠州皆生獠也又至龍武州皆蠻蠻安南境
也又至曲江劔南地也又至晉寧驛戎州地也又至
羊苴咩城南詔王所都也

戶部侍郎劉瑒同平章事

以新紀修

二月廢穆宗忌日停光

陵朝拜

以新紀修

崔慎由罷

以新紀修

夏四月庫子嶺南軍亂逐其

節度使楊發

以新紀修

戊申兵部侍郎夏侯孜同平章事

以新

紀修

五月丙寅劉瑑薨

以新紀修

湖南軍亂逐其觀察使韓琮

以呂祖謙標目修

六月丙申江西將毛鶴逐其觀察使鄭憲

以呂

祖謙標目修

安南都護李涿貪暴羣蠻爲邊患

以通鑑考異修

秋七

月丁卯右補闕張潛論藩府奏羨餘南方數有不寧帝

嘉納之

以呂祖謙標目修

八月大水

以五行志修

解題曰胡寅曰三川震而知周將亡岷山崩江水竭

而知漢將亡龐勛亂徐土芝巢起山東唐自是亡則

河南淮南大水而徐泗爲甚天之示戒明矣夫天理高明悠久非如人喜怒報施之促狹也禍在十年之後則目前之異誠非淺丈夫之所經意於是置而不卹至於國家敗壞則亦無如之何矣

宣歙將康全泰逐其觀察使鄭薰冬十月全泰伏誅

以新

紀修

十二月毛鶴伏誅

新紀

甲寅兵部侍郎蔣伸同平章事

以新紀修

唐宣宗皇帝大中十三年春三月武寧軍亂逐其節度

使康季榮

以通鑑修

秋八月帝不豫以子夔王滋屬內樞密

王歸長等左軍中尉王宗實立帝長子鄆王溫爲太子

更名漵癸巳帝崩於咸寧殿太子即皇帝位殺歸長等

以通鑑修

解題曰

長安志咸寧殿在大明宮

竇苹音訓載盧氏雜說中官持

其議至中書他相有異同者夏侯孜曰三十年前外

大臣猶得預禁中大議三十年後禁中大議惟內大

臣主之但得所立者爲李氏則外臣北面而已又何

問焉乃定所謂三十年前者立順宗憲宗之時也自立穆宗以來權皆在宦豎矣餘見通鑑胡寅曰立嗣天下至重事也必賢必長必嫡必豫必公然後禍亂不作宣宗反之其亂宜矣王宗實非能以正義奉長君蓋素不爲上所厚事勢所激耳使王歸長等意屬鄆王安知其不以變王友愛而立之耶不可不辨也癸卯令狐綯爲司空尊皇太后爲太皇太后

以新紀修九月

追尊母爲皇太后

新紀

冬十一月戊午蕭鄴罷

以新紀修十月

二月甲申兵部侍郎杜審權同平章事

以新紀修

丁酉令狐

綯罷

以新紀修

解題曰按列傳統紀咸通三年綯子湍遷右拾遺詔下左拾遺劉蛻起居郎張雲交疏指其惡又劾綯大臣當調護國本而大中時乃引諫議大夫豆盧籍刑部侍郎李鄴等爲夔王侍讀亂長幼序使先帝貽厥之謀幾不及亟下陛下受天昭命羣臣定策宮禁之事則臣不知但欲冊夔王便可知綯臣節綯之罷或

者以此也

荆南節度使白敏中爲司徒門下侍郎同平章事

以新紀修

解題曰按方鎮表至德元載置夔州防禦守捉使二
載置荆南節度領荆澧朗郢復夔峽忠萬歸州治荆
州乾元夔峽忠歸萬隸夔州上元元年復領忠峽二
年增涪衡潭岳郴邵道永連廣德罷領忠涪衡潭邵
永道隸湖南置夔忠涪都防禦使永泰荆南罷領岳
州大厯復領澧朗涪元和涪隸黔中大和廢節度置

都團練觀察使開成復置光化罷爲武貞軍節度領
澧朗淑天祐升夔忠涪爲鎮江節度使

是歲南詔酋龍欄帝改元國號大禮

以呂祖謙
標目修

唐懿宗皇帝咸通元年春正月浙東賊裘甫反以王式
爲浙東觀察使討之

以新
紀修

二月丙申葬貞陵廟號宣宗

以通
鑑修

解題曰宋祁曰唐亡諸盜皆生於大中之朝太宗之
遺德餘澤去民也久矣而賢臣斥死庸懦在位厚賦

天下愁苦方是時也天將去唐諸盜並出歷五姓兵未嘗少解至宋然後天下復安漢之亡也天下大亂至晉然後稍定晉之亡也天下大亂至唐然後復安治少而亂多者古今之勢盛王業業以求治可少忽哉

秋七月封憲宗子爲王

以通鑑修

夏四月右拾遺薛調論賦

歛無度從之

以呂祖謙標目修

八月己卯裴甫伏誅

以新紀修九月

白敏中爲中書令

以通鑑修

冬十月丁亥追復李德裕太子

少保衛國公

以通鑑修

己亥夏侯攷罷戶部尚書畢誠爲禮

部尚書同平章事

以新紀修

十一月丁丑改元

新紀

解題曰宋庠紀年通譜宣宗製泰邊陲樂曲有海晏
咸通之句及改元頗爲符協

十二月戊申南詔陷交趾

呂祖謙標目修

樞密使始得與宰臣

延英同奏事

以通鑑修

解題曰按韓偓金鑾密記天復元年正月勅近宰臣

延英奏事樞密使侍側爭論紛然既出又稱上旨未

允復有改易撓權亂政自今並依大中舊制俟宰臣奏事畢方得升殿承受公事癸卯韓全誨等令上入閣召百官迨寢勅書悉如咸通以來近例是日開延英全誨等即侍側同議政事

唐懿宗皇帝咸通二年春二月白敏中罷左僕射杜悰

兼門下侍郎同平章事

以新紀年表修

解題曰按新史列傳懿宗遣樞密使楊慶詣中書獨揖悰他宰相畢誠杜審權蔣伸不敢進乃授悰中人

請弟監國奏因諭惛劾大臣名不在者抵罪惛遽封
授使者復命謂慶曰上踐祚未久君等秉權以愛憎
殺大臣禍無日矣慶色沮去帝怒亦釋大臣遂安通
鑑云一日兩樞密使詣中書宣徽使楊公慶繼至獨
揖惛受宣三相起避之西軒公慶出斜封文書以授
惛發之乃宣宗大漸時宦官請鄆王監國奏也且曰
當時宰相無名者當以反法處之惛反復讀良久曰
聖上登極萬方欣戴今日此文書非臣下所宜窺復

封以授公慶曰主上欲罪宰相當於延英面示聖旨
明行誅譴公慶去悰復與兩樞密坐謂曰內外之臣
事猶一體宰相樞密共叅國政今主上新踐阼未熟
萬機資內外裨補固當以仁愛爲先刑殺爲後豈得
遽贊成殺宰相事若主上習以性成則中尉樞密權
重禁闈豈得不自憂乎悰受恩六朝所望致君堯
舜不欲朝廷以愛憎行法兩樞密相顧默然徐曰當
具以公言白至尊非公重德無人及此慙悚而退三

相復來見悰微請宣意悰無言三相惶怖乞存家族
悰曰勿爲他慮既而寂然無復宣命及開延英上色
甚悅此多取之林恩補國史按杜審權以大中十三
年十二月相畢誠以咸通元年十一月相當請命監
國時二人未相也唐書誤載故吳縯糾其繆洪邁謂
懿宗即位之日宰相令狐綯蕭鄴夏侯孜蔣伸三人
已罷惟伸在耳誠及審權乃懿宗自用無由有斯事
盖野史之誤通鑑新史誤采之今觀懿宗即位未幾

鄴等三人相繼罷逐仲明年亦去蓋不能不以往事爲念也帝雖不欲誅誠審權安知其無誅鄴等意乎又安知誠等以宣命獨下悰而不及他相故倉皇而請宣意乎杜悰之救諸人亦猶李德裕之救楊嗣復李珣也安得謂無斯事通鑑所載大體甚詳但欠明指三相名氏爾

夏六月復交趾

以通鑑修

唐懿宗皇帝咸通三年春正月戊寅上尊號

以新紀修 蔣仲

罷以新紀修二月杜棕爲司空新紀以前湖南觀察使蔡襲爲

安南經畧招討使以新紀修三月以左庶子蔡京充荆襄山

南宣慰安撫使以呂祖謙標目修夏五月分嶺南爲東西道東

道治廣州西道治邕州以舊紀修嶺南東道節度使蔡京請

罷安南戍兵以呂祖謙標目修秋七月武寧軍亂逐其節度使

溫璋乙亥以王式代之以新紀修西川節度使夏侯孜爲左

僕射門下侍郎同平章事以通鑑修八月王式誅驕兵三千

人以舊紀修

解題曰此龐勛之叛所以招之而不信也事見通鑑

九月嶺南西道軍亂逐蔡京京尋伏誅

以呂祖謙標目修

冬十

月丙申封子三人爲王

以新紀修

杜悰爲司徒

新紀

十一月封

叔祖及叔爲王

以新舊紀修

南詔寇安南

以新紀修

唐懿宗皇帝咸通四年春正月庚午南詔陷安南蔡襲

死之

以新紀修

三月張義潮克涼州

以通鑑修

夏四月畢誠罷

新紀

以義武節度使康承訓爲嶺南西道節度使

以通鑑修

五月

兵部侍郎楊收同平章事

以新紀修

廢容管

以通鑑修

戊子杜審

權罷新紀閏六月杜悰罷兵部侍郎曹確同平章事新紀秋

七月辛卯朔日有食之以新紀修冬十二月乙酉昭義軍亂

殺其節度使沈詢以新紀修

唐懿宗皇帝咸通五年春正月南詔寇雋州三月寇邕

州以新紀脩夏四月兵部侍郎蕭寔同平章事以新紀修五月已

亥彗星出于婁以新紀修秋七月康承訓罷復容管以驍衛

將軍高駘爲安南都護以通鑑修八月夏侯孜爲司空冬十

一月罷兵部侍郎路巖同平章事以新紀修

唐懿宗皇帝咸通六年春正月始以懿安郭后配饗憲

宗室

以通鑑修

三月蕭實薨夏四月東川節度使高瑒爲兵

部侍郎同平章事六月璩薨御史大夫徐商爲兵部侍

郎同平章事

以新紀修

秋七月封子爲王

以新紀修

冬十二月壬

子太皇太后鄭氏崩

以通鑑

唐懿宗皇帝咸通七年春三月王紹懿卒其兄子都知

兵馬使景崇自稱成德留後

以新紀通鑑修

閏月吐蕃寇邠寧

新紀

夏六月何弘敬卒其子左司馬全皞自稱魏博留後

以新紀
通鑑修

高駢大破南詔於交趾

以通鑑修

冬十月楊收罷

以新

紀修

高駢復交趾十一月以爲靜海節度使

以呂祖謙
標目修

解題曰按新史列傳安南都護府爲靜海軍授駢節
度使范祖禹曰戎狄自古爲中國患由秦以來未有
得志於南蠻者也蓋以瘴毒險阻不得天時地利所
恃人和者而已而民從征役皆知必死則是三者皆亡
矣明皇之末南詔盛強至于懿宗陷安南圍成都在
國首尾疲於奔命唐室之衰宦者蠹其內南詔擾其

外財竭民困海內大亂而國以亡矣事見通鑑

十二月以王景崇爲節度使

以通鑑修

吐蕃衰絕

呂祖謙標目

唐懿宗皇帝咸通八年春正月以何全皞爲節度使

以通

鑑修

二月張義潮入朝命其族子惟深守歸義

以通鑑修

秋七

月懷州民亂逐其刺史劉仁規

以通鑑修

甲子兵部侍郎于

琮同平章事

以新紀修

大事記續編卷六十七

欽定四庫全書

大事記續編卷六十八

明 王禕 撰

唐懿宗皇帝咸通九年春正月彗星出于婁胃

以新夏紀修

六月鳳翔少尹李師望請分蜀爲定邊軍從之

以呂祖謙標目

修

解題曰定邊軍見開元二年劔南節度使解題

秋七月武寧糧料判官龐勛反于桂州冬十月庚午陷宿州丁丑陷徐州執觀察使崔彥曾十一月陷濠州詔

以金吾衛大將軍康承訓爲徐泗都招討使帥沙陀朱
邪赤心等討之十二月勛陷滁和二州

以新紀
通鑑修

解題曰宋祁曰懿宗任相不明藩鎮屢畔南詔內侮
屯戍思亂龐勛乘之倡戈橫行雖凶渠殲夷兵連不
解唐遂以亡易曰喪牛于易有國者知戒西北之虜
而不知患生於無備漢亡於董卓而兵兆於冀州唐
亡於黃巢而禍基於桂林易之意深矣事見通鑑

唐懿宗皇帝咸通十年春二月殺驩州流入楊收

新紀康

承訓大敗賊軍夏四月壬辰龐勛殺崔彥魯等承訓復

敗之于柳子

以新舊紀
通鑑修

解題曰按舊紀王晏權智興之猶子也故授以武寧
節制以招之以冀招懷徐人怨王式之誅相扇搆亂
數月招携啗之以利民吏卒無革心者餘見通鑑柳
子去宿州九十里

六月陝州民亂逐其觀察使崔堯

以呂祖謙
標目修

徐商罷戶

部侍郎劉瞻同平章事

以新
紀修

秋八月彗星出于大陵

以新

紀九月徐州降龐勛伏誅

以通鑑修

冬十月康承訓爲河東

節度使同平章事賜朱邪赤心姓名李國昌以爲大同

軍節度使

以通鑑修

解題曰大同軍節度使見開元九年天兵軍解題

方鎮

表會昌三年以雲蔚朔三州置大同都團練使治雲州明年改都防禦使乾符五年升節度使攷之新史列傳及通鑑李國昌咸通十年已爲大同節度使表以因乾符五年國昌再爲大同節度使始書之誤也

十二月南詔破定邊軍

呂祖謙標目

唐懿宗皇帝咸通十一年春正月甲寅朔上尊號

以新紀通

修鑑

康承訓坐貶

以呂祖謙
標目修

癸酉廢定邊軍

呂祖謙
標目

南詔

圍成都尋退

以呂祖謙
標目修

解題曰按張雲解圍錄自天寶庚寅閣羅鳳殺姚州
都督張虔陀明年敗鮮于仲通又敗李謐至大和三
年雖造成都不甚殘夷井邑至是暴掠尤劇自天寶
至咸通甲子再周矣事見通鑑

三月曹確罷夏四月丙午兵部侍郎韋保衡同平章事

以新紀修

五月光州民亂逐其刺史李弱翁

以呂祖謙
標目修

秋八

月魏博軍亂殺何全皞其將韓允中自稱留後九月庚

戌從之

以新紀
通鑑修

解題曰按新史列傳自進湔至全皞三世四十二年

丙辰劉瞻罷尋貶驩州司戶京兆尹溫璋貶振州司馬

自殺

以新舊
紀修

冬十一月辛亥兵部尚書王鐸爲禮部尚

書同平章事

以新舊
紀修

十二月以金吾上將李國昌爲振

武節度使

以通
鑑修

唐懿宗皇帝咸通十二年春正月以韓允中爲節度使

以通鑑修夏四月癸卯路巖罷以新紀修冬十月兵部侍郎劉鄴

爲禮部尚書同平章事以新紀修

唐懿宗皇帝咸通十三年春正月丙申張允伸卒其子

節度副大使簡會自稱盧龍留後以通鑑修

解題曰舊史允伸鎮幽州二十三年

二月丁巳于琮罷刑部侍郎趙隱爲戶部侍郎同平章

事以新紀修三月平州刺史張公素逐張簡會自稱盧龍留

後以新紀通鑑修夏四月封子三人爲王以新紀修五月乙亥殺國

子司業韋殷裕

新紀

解題曰晁補之曰論妃戚家私而當大逆不道之戮
桀紂之暴不過於此唐之亡自此兆矣事見通鑑

六月以張公素爲節度使

以通鑑修

秋八月張義潮卒以沙

州長史曹義金爲歸義節度使是後中原多故河湟多

爲羌胡所據

以呂祖謙
標目修

解題曰按五代史四夷附錄甘涼瓜沙等州五代時
吐蕃已微弱回鶻党項諸羌夷分侵其地而不有其

人民值中國衰亂不能撫有惟甘涼瓜沙四州常自
通於中國甘州爲回鶻牙而涼瓜沙三州將吏猶稱
唐官數來請命自梁太祖時嘗以靈武節度使兼領
河西節度使而觀察甘肅威等州然雖有其名而涼
州自立守將唐長興四年涼州留後孫超遣大將求
旌節明宗拜超節度使清泰元年留後李文謙來請
命後數年涼州人逐文謙靈武馮暉遣吳繼勳代文
謙晉高祖遣押衙陳延暉安撫涼州涼州劫以爲刺

史漢隱帝時涼州留後折逋嘉施來請命即以爲節度使周廣順二年嘉施請命帥拜申師厚河西節度使世宗時師厚留其子而逃歸涼州遂絕於中國沙州梁開平中有節度使張奉自號金山白衣天子唐莊宗時留後曹義金遣使附回鶻以來莊宗拜爲歸義節度使晉天福五年義金卒子元德立七年沙州曹元忠瓜州曹元深皆遣使來周世宗以元忠爲歸義節度使元恭爲瓜州團練使

十一月王鐸爲司徒韋保衡爲司空

新紀

十二月徙李國

昌爲大同防禦使不赴其子克用執雲中防禦使段文

楚

以舊紀修

解題曰詳見廣明元年解題

唐懿宗皇帝咸通十四年春正月李克用殺段文楚自

稱留後詔太原幽州兵討之

以舊紀莊宗功臣列傳修

三月癸巳迎

佛骨

以新舊紀修

解題曰宋祁曰人之惑怪神也甚哉若佛者特西域

一稿人耳裸顛露足以乞食自資癯辱其身屏營山樊行一槩之苦本無求于人徒屬稍稍從之然其言荒茫漫靡夷幻變現善推不驗無實之事以鬼神死生貫爲一條據之不疑培嗜欲棄親屬大抵與黃老相出入至漢十四葉書入中國蹟夫生人之情以耳目不際爲奇以不可知爲神以物理之外爲畏以變化無方爲聖以生而死死復生回復償報歆豔其間爲或然以賤近貴遠爲憲鞮譯差殊不可研詰華人

之譎誕者又攘莊周列禦寇之說佐其高層累駕騰
直出其表以無上下可加爲勝妄相夸脅而倡其風
於是自天子逮庶人皆震動而祠奉之初王縉以業
緣事佐代宗於是始作內道場晝夜梵唄冀禳寇戎
孟蘭肖祖宗像分供塔廟爲賊臣嘻笑至憲宗世迎
佛骨於鳳翔內之宮中韓愈指言其弊帝怒竄愈瀕
死憲亦弗獲天年幸福而禍無亦左乎懿宗不君精
爽奪迷復蹈前車而覆之興哀無知之場丐庇百解

之皆以死自誓無有顧藉流淚拜伏雖事宗廟上帝
無以進焉屈萬乘之貴自等於古胡數千載而遠以
身爲殉嗚呼運彥祚殫天告之矣懿不三月而殂唐

德之不競厥有來哉悲夫

朱熹曰歐陽脩排佛就禮法上論程顥程頤止說義

理惟宋初捉得他正職佛家先偷列子說耳目口鼻
心體處有六佛氏即指爲六根又三之爲十八戒皆
是中國人以莊列之說文於其間今按魏太武下詔
云今胡神皆是前世漢人無賴子弟乞胡之誕言用
老莊之虛假附而益之又傳藥對太宗謂佛是胡中
桀黠欺誑夷狄漸流中國皆是邪僻小人模寫莊老
之言文飾妖幻之
教初蓋本乎此

夏五月南詔陷黔中

以通鑑修

六月王鐸罷

新紀

秋七月戊寅

帝疾大漸庚辰左右軍中尉劉行深韓文約立少子普

王儼爲皇太子改名儼辛巳帝崩於咸寧殿太子即皇

帝位

以新紀通鑑修

解題曰改名通鑑不書闕也范質五代通鑑梁李振

謂陝州監軍韓彞範曰懿皇初升遐韓中尉殺長立

幼以利其權遂亂天下今將軍復欲爾耶彞範即文

約孫也懿宗八子僖宗第五餘子新舊書不言其所

終不知所殺者何也事見通鑑

八月丁未追尊母爲皇太后

新紀

韋保衡爲司徒九月貶

爲賀州刺史尋賜死

以稽古錄修

冬十月乙未左僕射蕭倣

爲門下侍郎同平章事

以通鑑修

十二月貶荆南節度使路

巖爲新州刺史尋賜死

以通鑑修

唐僖宗皇帝乾符元年春二月甲午葬簡陵廟號懿宗

以通鑑修

趙隱罷華州刺史裴坦爲中書侍郎同平章事夏

五月乙未坦薨刑部尚書劉瞻爲中書侍郎同平章事

秋八月辛未瞻薨兵部侍郎崔彥昭爲中書侍郎同平

章事冬十月劉鄴罷吏部侍郎鄭畋爲兵部侍郎戶部

侍郎盧攜並同平章事

以新紀通鑑修

十一月上尊號改元

以通鑑修

蕭倣爲司空

新紀

韓允中卒其子節度副使簡自稱魏博

留後尋從之

新紀通鑑修

十二月党項回鶻寇天德軍

新紀南

詔寇黎雅二州

以新紀修

商州民毆其刺史王樞

以呂祖謙標目修

是歲濮州人王仙芝尚君長起於長垣

以呂祖謙標目修

唐僖宗皇帝乾符二年春正月丙戌以天平節度使高

駢爲西川節度使南詔請和

以通鑑新紀修

左軍中尉田令孜

專政請籍商旅

以呂祖謙標目修

三月以韓簡爲節度使狼山

鎮遏使王郢陷蘇常二州夏五月蕭倣薨

以通鑑修

六月吏

部尚書李蔚爲中書侍郎同平章事

以新紀修

王仙芝等陷

曹濮二州冤句人黃巢聚衆應之

以呂祖謙標目修

解題曰范祖禹曰自古賊盜之起國家之敗未有不

由暴賦重斂而民之失職者衆也唐之季世政出閹

尹不惟賦斂割剥復販鬻百物盡奪民利故有私鹽

之盜使民無衣食之資欲不亡其可得乎事見通鑑

盧龍將李茂勲逐張公素自稱留後秋八月以爲節度

使

以新紀通鑑修

冬十月昭義軍將劉廣逐其節度使高湜自

爲留後詔以金吾大將軍曹翔爲節度使

以通鑑修

十二月

以平盧節度使宋威爲招討草賊使

以通鑑修

唐僖宗皇帝乾符三年春三月李茂勲致仕立其子左

司馬可舉爲盧龍留後

以新紀通鑑修

崔彥昭罷左僕射王鐸

兼門下侍郎同平章事

以通鑑修

夏五月以李可舉爲節度

使

以通鑑修

秋七月宋威大破王仙芝於沂州

以通鑑修

九月乙

亥朔日有食之

新紀

王仙芝陷汝州冬十一月陷郢復二

州十二月陷申光廬壽舒通六州

以新紀修

忠武節度使崔

安潛爲行營都統宮苑使李琢爲招討草賊使

以新紀修

青

滄戍卒逐桂州觀察使李瓚

以通鑑修

解題曰按方鎮表開耀置桂州管內經畧使領桂梧

賀連柳富昭蒙嚴環融古思唐龔治桂州廣德二年

置桂邕都防禦觀察等增領邕管諸州大厯五年罷

邕管諸州八年罷觀察使以諸州隸邕管貞元元年
復置經畧使元和元年增領巖州光化三年升靜江
軍節度使

唐僖宗皇帝乾符四年春正月崔彥昭爲司空

新紀

二月

王仙芝陷鄂州

通鑑

南詔酋龍死子法立

以朱熹綱目修

閏月崔

彥昭罷

以宰相表修

王郢伏誅

以通鑑修

宣武軍節度使王鐸爲

檢校司徒兼門下侍郎同平章事

以新紀修

三月黃巢陷鄆

沂二州

新紀

夏四月壬申朔日有食之

以通鑑修

陝州軍亂逐

其觀察使崔碣

以新紀修

六月王鐸爲司徒新賊帥柳彥璋

陷江州

以通鑑修

秋九月王仙芝陷隨州

通鑑

冬十月河中軍

亂逐其節度使劉侔

以新紀修

十一月王仙芝使尚君長請

降宋威殺之

以新紀修

十二月柳彥璋伏誅

以新紀修

唐僖宗皇帝乾符五年春正月丁酉朔王仙芝陷江陵

外郭

新紀

招討草賊副使曾元裕大破王仙芝於申州以

爲招討使宋威罷

以新紀修

解題曰胡寅曰僖宗諸相幸有鄭畋若專守其策賊

必可平矣雖然秦有趙高而後關東兵起漢有十常侍而後黃巾賊作正使畋計得行芝巢破滅而田令孜在內畋獨且奈何哉亦必亡而已矣事見通鑑

二月李克用陷遮虜軍

以新紀修

解題曰按舊史列傳昭義李鈞充招討使太原幽州

赫連鐸攻蔚州國昌

本文作獻祖

禦之克用

本文作武皇

以一

軍南抵遮虜城拒李鈞實錄太祖紀年錄大順元年閏月幽州李匡威下蔚州赫連鐸引吐蕃黠戛斯之

衆寇北鄙攻遮虜軍克用營渾河川戰於樂安鎮破之則遮虜軍當在雲中之南岢嵐之北竇革音訓謂即漢遮虜障彼在甘州非此也

王仙芝伏誅其黨陷洪州

以新紀通鑑修

黃巢陷沂濮二州

以通

鑑修

三月湖南軍亂逐其觀察使崔瑾

以新紀修

黃巢陷虔吉

等州

以通鑑修

崔安潛罷都統

新紀

夏四月以李國昌爲大

同節度使

以通鑑修

詔河南貸商旅富人錢穀除官有差

朱熹

綱目

五月丁酉鄭畋盧攜罷戶部侍郎豆盧瑑爲兵部侍

郎吏部侍郎崔沆爲戶部侍郎同平章事

以新紀修

六月以

荆南節度使高駢爲鎮海節度使

以通鑑修

秋八月黃巢陷

杭州

以新紀

九月李蔚罷吏部尚書鄭從謙爲中書侍郎同

平章事

以新紀修

黃巢陷越州

以新紀

冬十月詔昭義節度使李

鈞及李可舉討李國昌十一月丁未以河東宣慰使崔

季康爲河東節度代北招討使

以新紀修

十二月甲戌黃巢

陷福州

以新紀

庚辰崔季康李鈞及李克用戰于洪谷大敗

鈞死之

以新紀通鑑修

解題曰洪谷在今奇嵐軍東十餘里接契丹界

是歲天平節度使張勣卒衙將崔君裕自知州事

唐僖宗皇帝乾符六年春正月高駢遣將擊黃巢屢破

之巢趣廣南以駢爲江淮鹽鐵轉運使

以新舊紀
列傳修

解題曰按新史列傳巢南陷廣州駢建遣張隣以兵
五千屯郴扼賊西路留後王重任以兵八千並海進
援循潮自將萬人繇大庾擊賊廣州且請起荆南王
鐸兵三萬壁桂永以邕管兵五千壁端州則賊無遺

類餘見通鑑胡寅曰高駢所建良策也而朝廷不從
由崔沆豆盧瑑昧於制勝之道耳爲宰相而不知兵
輕用人國以致傾危安得專歸罪於北司哉凡人才
氣當及其鋒而用之高駢既不得所請又移鎮淮南
知朝廷不足稟畏其精銳亦自銷戩不復能振矣

二月甲戌河東軍亂殺崔季康

以新紀修

三月淄州刺史曹

全晟平崔君裕

以通鑑修

夏四月庚申朔日有食之

以王通鑑

鐸爲荆南節度使南面招討都統

以新紀修

秋九月黃巢陷

廣州冬十月以高駢爲淮南節度使鹽鐵轉運使

以通鑑修

閏十月黃巢陷潭澧二州王鐸奔襄陽其守將劉漢宏

未掠北歸

以朱熹綱目修

十一月丙辰兩日並出而鬪

新紀黃巢

陷江陵山南東道節度使劉巨容大破之於荆門

縱賊不追巢陷鄂池等州

以新紀修

十二月王鐸罷兵部尚

書盧攜爲門下侍郎同平章事

以新紀修

大事記續編卷六十八